

PELLO ZIRI ZIRI



Ikusi nuanian
zure ile latza
iruditu zitzaidan maitia
sorginen erratza.

Ikusi nuanian
zure bekokia
iruditu zitzaidan maitia
zartagi ipurdia.

Ai ai ai ai, ziri ziri Pello
gizonak ez du ondo ematen
mozkortu ezkeru.

Ai ai ai ai, Pello ziri ziri
zertarako ditugu herrian horrenbeste gorri.

Ikusi nuanian
nik zure bekaina
iruditu zitzaidan maitia
gauaren kamaina.

Ikusi nuanian
nik zure begia
iruditu zitzaidan maitia
amorrain gorria.

Ai ai ai ai...

Ikusi nuanian
zure belarria
iruditu zitzaidan maitia
azaren orria.

Ikusi nuanian
nik zure sudurra
iruditu zitzaidan maitia
lukainka muturra.

Ai ai ai ai...

Ikusi nuanian
nik zure ahoa
iruditu zitzaidan maitia
karobi zuloa.

Ikusi nuanian
nik zure kokotza
iruditu zitzaidan maitia
gaztaina morkotsa.

Ai ai ai ai...

Ikusi nuanian
nik zure bularra
iruditu zitzaidan maitia
basoan txondorra.

Ikusi nuanian
nik zure mokorra
iruditu zitzaidan maitia
Azpiroz malkorra.

